

SULDAL KONTROLLUTVAL

PROTOKOLL

Torsdag **8. mai 2025** blei det halde møte i Suldal kontrollutval under leiing av utvalet sin leiar Otto Underbakke.

MØTESTAD:	Suldal kommunehus, formannskapssalen
MØTESTART/SLUTT:	Kl. 10.00 – 11.50
MØTANDE MEDLEMMER:	Otto Underbakke (H), Astrid Brommeland (Sp), Ivar Andre Naustvik (Krf) og Michael Willig (SV)
MØTANDE VARAMEDLEMMER:	Annfrid Halsne (Sp)
FORFALL:	Ragnhild Sukka (V)
FRÅ SEKRETARIATET MØTTE:	Rådgjevar Sjur Hatlen - Haugaland kontrollutvalgssekretariat IKS
FRÅ ROGALAND REVISJON:	Stats. aut. revisor Tore Kristensen
FRA ADMINISTRASJONEN:	Kommunalsjef økonomi og organisasjon Turid Vaage og leiar av kommunekassen Arnfinn Gundersen til og med sak 8
ANDRE SOM MØTTE:	Ingen
MERKNADER TIL INNKALLING:	Ingen
MERKNADER TIL SAKLISTEN:	Ingen

FØLGJANDE SAKER BLEI HANDSAMA:

SAK 05/25 GODKJENNING AV PROTOKOLL FRÅ MØTET 13.02.25

Sekretariatet sitt framlegg til vedtak:

Protokoll frå møte i Suldal kontrollutval 13.02.25 blir godkjent slik han ligg føre.

Handsaming i kontrollutvalet 08.05.25:

Utvalet hadde ingen merknader til protokollen.

Samrøystes vedtak i kontrollutvalet 08.05.25:

Protokoll frå møte i Suldal kontrollutval 13.02.25 blir godkjent slik han ligg føre.

SAK 06/25 ORIENTERING FRÅ ADMINISTRASJONEN OM ØKONOMI OG ORGANISASJON

Sekretariatet sitt framlegg til vedtak:

Suldal kontrollutval tar orienteringa frå kommunalsjef Turid Våge om økonomi og organisasjon til orientering.

Handsaming i kontrollutvalet 08.05.25:

Kommunalsjefen viste en presentasjon og orienterte om økonomi og organisasjon. Eininga bidreg til strategisk utvikling av heile organisasjonen Suldal kommune. Ho orienterte mellom anna om arbeidet med leiarstøtte, gjere Suldal til en attraktiv arbeidsplass, digital transformasjon. Satsingane framover er arbeide med strategisk rekruttering, forbetningsarbeid etter LEAN metodikk, forprosjekt co-pilot, Digi-forum, lokaldemokratiprojekt, fokus på digital utvikling og utgreie framtidige IKT-løysingar.

Utfordringane framover blir mellom anna å skaffe nok personar med rett kompetanse samtidig som ein har overtalige tilsette. Korleis skal ein møte utviklinga med fleire eldre og færre i yrkesaktiv alder, at utgiftene veks meir enn inntektene. Det blir kontinuerleg fokusert å sikre høg kvalitet på arbeidet og god balanse mellom drift og utvikling.

Medlemmene fekk svar på spørsmål om mellom anna: kva samarbeid har kommunen innan IKT. Her har kommunen eit samarbeid med tre andre kommunar som heiter RITS. Ein ser nå at desse kommunane ikkje klarar å drive utviklinga framover. RITS har bestilt ei utgreiing om kva som trengs for å møte framtida for store og mindre kommunar.

Leiar takk for ei god og interessant orientering.

Samrøystes vedtak i kontrollutvalet 08.05.25:

Suldal kontrollutval tar orienteringa frå kommunalsjef Turid Våge om økonomi og organisasjon til orientering.

SAK 07/25 UTTALE TIL ÅRSREKNESKAP OG ÅRSMELDING FOR 2024

Sekretariatet sitt framlegg til vedtak og innstilling:

Suldal kontrollutval vedtek uttale til årsrekneskap og årsmelding 2024 slik den ligg føre (med desse endringane/tillegg).

Suldal kontrollutvalet tilrår at Suldal kommunestyre godkjenner årsrekneskapen og årsmeldinga for 2024.

Handsaming i kontrollutvalet 08.05.25:

Kommunalsjef for økonomi og organisasjon, Turid Våge, presenterte nøkkeltal frå årsrekneskapen og årsmeldinga for 2024. Kommunen hadde eit netto driftsresultat på 138 mill. kroner, tilsvarende 16,7 % av driftsinntektene. Utgiftene aukar meir enn inntektene. Våge peika på auka sjukefråvær til 7,17 %, særleg innan helse og omsorg. Folketalet har auka grunna ukrainsk innvandring. Det vart fødd 36 barn i 2024, og kommunen opplever ei demografisk dreining mot fleire eldre og færre barn. Noko som flyttar ressursbehov frå oppvekst til pleie og omsorg. Samtidig er det mangel på arbeidskraft, trass overtalige, grunna kompetansekrav. Framtidige utfordringar er digitalisering og berekraft.

Einingsleiar for kommunekassen, Arnfinn Gundersen, viste utvikling i driftsresultat og varsla nedgang i inntekter framover, grunna lågare pris på konsesjonskraft og redusert brukarbetaling. Dei fleste rammeområda går i pluss, med unntak av kultur. Lønskostnadene aukar, medan andre utgifter går ned. Kommunen har netto renteinntekter, god avkastning og solid balanse, med god likviditet. Låneopptak og fond reduserast grunna investeringar.

Revisor Tore Kristensen orienterte om revisjonen og årsrekneskapen. Han kommenterte auka skatte- og rammetilskot, lågare lønskostnader og finansinntekter. Regnskapet er i balanse og i tråd med regelverket. To av sju rammeområder hadde meirforbruk, og enkelte budsjettavvik burde vore korrigert. Revisor vurderte internkontrollen som god, med få vesentlege avvik. Sjølkostområda hadde underskott på 15,2 mill. kroner. Revisjonsberetninga konkluderte positivt.

Medlemmene fekk svar på spørsmål frå kommunalsjef og revisor.

Samrøystes vedtak i kontrollutvalet 08.05.25 og innstilling:

Suldal kontrollutval vedtek uttale til årsrekneskap og årsmelding 2024 slik den ligg føre.

Suldal kontrollutvalet tilrår at Suldal kommunestyre godkjenner årsrekneskapen og årsmeldinga for 2024.

SAK 08/25 FORENKLA ETTERLEVINGSKONTROLL FOR 2024

Sekretariatet sitt framlegg til vedtak:

Suldal kontrollutval tar vedlagte attestasjonsuttale frå Rogaland Revisjon IKS om økonomiforvaltninga for 2024 og revisor si gjennomgang til orientering.

Handsaming i kontrollutvalet 08.05.25:

Leiar gav ordet til revisor som gjekk gjennom kva forenkla etterlevingskontroll er og kva revisor skal ettersjå. Han gjekk gjennom kva område som var utplukka, som var innhenting av politiattestar. Av 11 kontrollerte så var det to avvik, konklusjonen er positiv.

Arnfinn Gundersen informerte litt om endring i rutinane i kommunen.

Samrøystes vedtak i kontrollutvalet 08.05.25:

Suldal kontrollutval tar vedlagte attestasjonsuttale frå Rogaland Revisjon IKS om økonomiforvaltninga for 2024 og revisor si gjennomgang til orientering.

SAK 09/25 VAL AV NYTT FORVALTNINGSREVISJONSPROSJEKT

Sekretariatet sitt framlegg til vedtak:

Suldal kontrollutval ber Rogaland Revisjon IKS om å leggje fram utkast til prosjektmandat på forvaltningsrevisjonsprosjekt om til neste møte.

Handsaming i kontrollutvalet 08.05.25:

Leiar orienterte om at kommunen er i gang med å vurdere intern utnytting av kompetanse, og at det derfor kan vere overlappende dersom utvalet også tek opp dette no. Han foreslo i staden å prioritere prosjektet «Næringsutvikling».

Revisor presenterte vurderingane av risiko og vesentlegheit knytt til næringsutvikling. Leiaren understreka at ein revisjonsrapport på dette området kan vere verdifull for kommunen.

Eit medlem påpeikte at næringsutvikling også omfattar klimautslepp, og foreslo å inkludere klima- og miljøaspekt i prosjektet. Revisor støtta dette, og nemnde at det er mogleg å vurdere korleis kommunens planar for næringsutvikling tek omsyn til klima og miljø.

Utvalet drøfta aktuelle prosjekt og vedtok å starte revisjonsprosjektet om «*Næringsutvikling*». Revisor fekk med dette innspel om kva utvalet ønskjer fokus på i det vidare arbeidet.

Samrøystes vedtak i kontrollutvalet 08.05.25:

Suldal kontrollutval ber Rogaland Revisjon IKS om å leggje fram utkast til prosjektmandat på forvaltningsrevisjonsprosjekt om «Næringsutvikling» til neste møte.

SAK 10/25 REFERAT- OG ORIENTERINGSSAKER

- 06. Statusrapport pr. mai 2025
- 07. Representantskapsmøte 28.04.25 - Haugaland Kontrollutvalgssekretariat IKS
- 08. Representantskapsmøte 23.04.25 – Haugaland Vekst IKS
- 09. Generalforsamling 25.04.25 – Haugaland Kraft AS

Handsaming i kontrollutvalet 08.05.25:

Sekretær gjekk gjennom referatsakene.

I neste møte er det sett opp ei orientering om oppvekst. Leiar ønskte i den forbindelse informasjon om «korleis eininga opplever å få gjennomført forvaltningsrevisjon» og korleis plattformen som nyttas i kommunikasjonen mellom heim og skule fungera.

Samrøystes vedtak i kontrollutvalet 08.05.25:

Suldal kontrollutval tar referat- og orienteringssakene 6 – 9 til orientering.

YMSE

Ingen saker blei tatt opp.

Neste møte: torsdag 05.06.25 – kl. 10.00

Foreløpige saker: oppfølging av revisjonsrapport «Førebygging og tidleg innsats», orientering om oppvekst og tinging av nytt revisjonsprosjekt.

Suldal/Sand, 08.05.25

Otto Underbakke
Leiar

Sjur Hatlen
Utvalssekretær